

Gyeemesi Ɔwolɛ

¹ Me Gyeemesi Ɔbono n gyɛ Wurubuaarɛ de Wura Yesu Kirisito gɛsun Ɔwɔrabo mɔ ne n kya wɔra gɛnen Ɔwolɛ baarɛ. N kya faala fɛye Gyuda awura akpen gudu-anyɔ abono fɛ sɔɔ Yesu gyi ne fɛ yaasɛ kpe fɛ tɛ fɛ tɛ asa ako nsinkpan so mɔ.

Fɛ Kya Wu Awɔrɔfɔɔ Mɔ, Fɛ' Yɛgɛ I' Wɔra Fɛye Ɔkon

² Me-nanboana Yesu asonbo, aberɛ abono fɛ kya wu awɔrɔfɔɔ kpɛi-kpɛi mɔ, fɛ' yɛgɛ i tansi wɔra fɛye Ɔkon.

³ Fɛ' bii yɛɛ awɔrɔfɔɔ mɔ a kya daasɛ fɛye-gikagyan gibono fɛ ka gyan Yesu so mɔ a kya kerɛ daa. Fɛ taalɛ ka gyan Yesu so kpaa lii mɔ, fɛ laa wɔra asa abono mɛ bo gisen ilaa kamaasɛ dɔ. ⁴ Imɔso fɛ' nyɛ gisen gɛnen de fɛ' yɛgɛ fɛye-gisen gibono gi' wɔra gɛsun fɛye-asen dɔ kpaa logɛ. Fɛ wɔra gɛnen mɔ, fɛ laa nyɛ ten ansi de fɛ' wɔra Wurubuaarɛ gisen dɔ ilaa, ibono iko i maɲ san fɛye.

⁵ Nengyene ɔlaako ginyi ne n kya san fo ɔko mɔ, kaasɛ ɔ' dala kole Wurubuaarɛ. Ɔ laa sa mɔ. Wurubuaarɛ kya kyɛɛ nyamesɛ kamaasɛ ilaa lii mɔ-gisen dɔ; iɲ kya loo mɔ. ⁶ Fo ɔkamaasɛ ɔbono fo laa kole ɔlaako ginyi lii Wurubuaarɛ asɛ mɔ, kyu gisɔɔgyi kole mɔ. Gɛɲ sa fo' yɛgɛ i wɔra fo tɛfɛɛ-tɛfɛɛ. Ɔbono ɔ kya kole Wurubuaarɛ ilaa ne i bo mɔ tɛfɛɛ-tɛfɛɛ mɔ, ɔ dɛ daa fɛɛ gɛnɔɔbono afuu a kya da nkyu apoo so, gi kya kpe gi kya ba mɔ. ⁷ Kaasɛ ɔbono ɔ' bii yɛɛ ɔ maɲ nyɛ sɛi lii Wurubuaarɛ asɛ. ⁸ Ɔ gyɛ daa nwɔnsa nnyɔ-nnyɔ wura. Mɔ-ilaa kamaasɛ dɔ mɔ i bo mɔ daa tɛfɛɛ-tɛfɛɛ. Ɔ mɛɲ kya tɛsɛ yelɛ ilaa kolon so.

⁹ Me-nanbo Yesu sonbo, fo ɔbono fo gyɛ yenbo mɔ, yaalɛ fo-nyoro. I lii fɛɛ kyu lii Yesu so mɔ, fo naa mɔ,

fo bo duduu. ¹⁰ Ne fo gye aterenbi wura ne Wurubuaare gi bara fo gese mo, yaale fo-nyoro. Bii yee i man keela ne fo-gesinkpan so geyena ge laa ta okara fee genobono oyii afototo kee a men kya kyena oyii so keela mo. ¹¹ Owi kya dii ne i kya son mo, oyii mo afototo a kya nyone, ne a kya yoo too-too. Nfono mo, afototo mo dan obono nkana a bo mo, genen dan mo kya yela okara. Imoso aterenbi wura kee kpe o de mo-gesun do mo, genen kee ne o laa wu' ne.

¹² Omudensebo ne n gye fo obono fo kya wu aworwo ne fo dabole nye gisen soo Yesu gyi mo. Nengyene aworwo mo a daase fo kere ne fo keda fo-gisogyi mo do kpa lii mo, Wurubuaare laa teela fo. O laa yee fo' nye kyena mo ase fee genobono o ka yela sa asa abono me kya laare mo-ila mo.

¹³ Nengyene ilaa iko i kya ppede fo de fo' wora ilaa nyenyen mo, gen sa fo' toge yee, "Wurubuaare ne n kya yee ne i kya ppede me genen." I kya nyiile yee ilaa nyenyen giwora i man taale da Wurubuaare obole, ne in bo no yee Wurubuaare laa yee ilaa nyenyen giwora i' ppede nyamese. ¹⁴ Pei ne ilaa nyenyen i laa ppede fo oko mo, i laa lii daa fo gbaa-gbaa obole gelaare ase. Ilaa nyenyen i laa da fo obole de i' bingiri fo-gelaare ilaa.

¹⁵ Imoso nyamese obole gelaare ilaa mo ne n kya yee ilaa nyenyen i kya ba mo-gewansa do. I ba genen mo, o laa wora ilaa nyenyen. O kpe o kya wora ilaa nyenyen mo, mo-okyenaten Wurubuaare ase mo laa lii mo-gibaa.

¹⁶ Me-nanboana laarese, fen sa fe' yee oko o' peneye feye kyu lii ilaa ide so.

¹⁷ Owi kamaase ilaa ibono i boran mo i tu aye mo, abee a nye ilaa ibono i kya gyi ginsi kpa loge mo, Wurubuaare ne n sa aye imo genen. Aye-se Wurubuaare obono o lee soso-lee ifatela mo ne n kya yee ne genen ilaa ibono

i kya yii aye-gibaa. Wurubuaare bere ɔŋ kya kyεεge fεε soso-lεε ifatela mɔ de o' kyu aye wɔra gibiri dɔ. ¹⁸ Kyu naa de Wurubuaare gesintin agyεbi mɔ so mɔ, ɔ yεge aye abono a ka gyan Yesu so mɔ, a nyε gεkyena pobɔɔ. Wurubuaare gεlaare ne n gyε yεε aye ne a' wɔra agyangbarabo ilaa kamaase ibono ɔ lεε mɔ pɛwu dɔ.

Fε Nyε Nu Wurubuaare Agyεbi Mɔ, Fε' Wɔra Amɔ So Ilaa

¹⁹ Me-nanboana laarese, nengyene ɔko kya tɔnge de fεye mɔ, fεye ɔkamaase ɔ' yela giso de o' nu. ɔŋ sa ɔ' kpaala mɔ-lεε getɔnge so. ɔko-re ɔko ɔŋ sa ɔ' kpaala sɔɔ ginyadon. ²⁰ I lii fεε nyamese ginyadon giŋ kya kpaamɔ de mɔ-gisen dɔ i' wɔra ɔdan sa Wurubuaare.

²¹ Imɔso fε' tεε fεye-nyoro lii ilaa wɔrase kamaase ibono iŋ kaabore fε' wɔra mɔ dɔ. Ilaa nyenyen giwɔra i gbigi. Fε' taa imɔ pɛwu giwɔra yεge. Wurubuaare gi kyu mɔ-agyεbi mɔ wɔra fεye-asen dɔ. Fε' bara fεye-nyoro gese de fε' nu amɔ gese. Amɔ ne nan taale mɔlεge fεye de fε' nyε Wurubuaare ase gεkyena.

²² Fε' wɔra daa asa abono mε kya kyu Wurubuaare agyεbi mɔ kyu wɔra gesun mɔmɔ-gεkyena dɔ mɔ. Iŋ sa i' ba yεε fε gyε asa abono mε kya nu Wurubuaare agyεbi mɔ wɔra mɔmɔ-aso dɔ wole penε mɔmɔ-nyoro mɔ. ²³ ɔbono ɔ kya nu agyεbi mɔ ne ɔŋ kya wɔra amɔ so ilaa mɔ, ɔ de daa fεε ɔbono ɔ kya kerε mɔ-nyoro diiwu dɔ mɔ. ²⁴ ɔ kpε wu mɔ-nyoro ne ɔ naa lii diiwu mɔ ase mɔ, ɔ ti tan gɛnɔɔbono mɔ-ansi dɔ i de mɔ. Genen kee ne ako mε kya nu Wurubuaare agyεbi de mε' lεε ansi taa amɔ yεge ne. ²⁵ I kaabore nyamese ɔ' kpε ɔ kya nu Wurubuaare-lεε nbara nbono gi boran ɔkpa kamaase so mɔ ɔ kya wɔra mɔ-aso dɔ. Nmɔ ne n kya yεge ne nyamese kya nyε mɔ-nyoro lii ilaa nyenyen giwɔra dɔ.

Ɔ kya nu nbara mɔ mɔ, ɔŋ sa ɔ' wɔra isa ɔbono ɔ kya nu de o' kii taa yege mɔ. Ɔ' wɔra daa isa ɔbono ɔ kpe ɔ kya wɔra nbara mɔ so gesun mɔ-gekyena dɔ. Ɔ kya wɔra gɛnen mɔ, Wurubuaare laa yuule mɔ de mɔ-ilaa wɔrase i' wɔra ɔdan sa mɔ.

²⁶ Fo ɔbono fo nyi yeɛ fo kya son Wurubuaare ne foŋ kya bii kerɛ fo-ɔnandii so mɔ, fo kya penɛ fo-nyoro ne. Fo gɛnen Wurubuaare gison mɔ giŋ bo agyan ako. ²⁷ Ɔson ɔbono fo laa son aye-sɛ Wurubuaare ne ɔ laa kyu fo yeɛ fo kya son mɔ kanpe foŋ kya fuɛ mɔ ne n gyɛ nne? Imɔ ne n gyɛ yeɛ fo nyamesɛ fo wu aŋmenbi de akulaabo mɛ kya yiyɛ mɔ, kerɛ ɔmɔ so. Iko kee ne n gyɛ yeɛ fo laa dii fo-nyoro de gesinkpan gedɛ so nwɔnsa gi mɛŋ' nyɛ dengɛ fo-nwɔnsa lii Wurubuaare gɛlaare ilaa wɔrase so.

2

Fo Kerɛ Ansi So Wolɛ Buu Ako Taa Ako Yege Mɔ, Fo Tɔrɔ Nbara

¹ Me-nanboana, fɛ kya sɔɔ aye-Wura Yesu Kirisito, ɔbono ɔ gyɛ Nyisigyɛ Wura mɔ, gyɛ faa mɔ, fɛŋ sa fɛ' kerɛ asa ansi so wolɛ kyu buubuu sa asa ako taa ako yege. ² A taa kyu yeɛ aterɛnbi wura ɔko wɔra sika kɔkɔɔ nbɔɔrɛ, ne o bun gikuru dɛnsɛ, ne ɔ naa baa loo tu fɛye Yesu asonbo fɛ gyan' fɛ kya son. Nfono kee mɔ, yenbo ɔko gi baa tu fɛye. Ɔ kyɛ' daa apanan kyua-kyua. ³ Aterɛnbi wura mɔ gi kyu ilaa dɛnsɛ wɔra mɔ-nyoro so so mɔ, fɛ wu mɔ mɔ, fɛ bugi ansi de mɔ ne fɛ tɔge sa mɔ yeɛ, “Ba kyena ansi dɔ gerɛ.” Yenbo mɔ berɛ, fɛ tɔge sa mɔ daa yeɛ, “Kyon kpaa yeɛ faa,” abɛɛ “Kpelege kyena gesinkpan aye-ayaa dɔ gerɛ.” ⁴ Fɛ tɔge gɛnen faa mɔ, fɛ kya wɔra fɛɛ nbɛɛ agyibo abono mɛ kya kerɛ anyamesɛ ansi so gyɛ mɔmɔ-nbɛɛ mɔ ne. Fɛ kya tɔge yeɛ ɔde gyɛ nyamesɛ gbaa'; ɔde berɛ ɔŋ gyɛ nyamesɛ gbaa' ne. Fɛ'

bii yEE ilaa ibono i bo fEeye-amu dO ne fE kya tOge gEnen mO, iŋ boran.

⁵ Me-nanboana laareE, fE' yela giso de fE' nu. FEn kya wu yEE abono mE gyE ayenbo gEsinkpan so gEkyena gEdE dO mO ne Wurubuaare gi tOse lEE yEE mE' tansi ka gyan Yesu so de mE' wOra Wurubuaare awuragyibo? MO-awuragyibo akyenabi mO ne Wurubuaare gi ka yela sa abono mE kya laare mO-ilaa mO. ⁶ Ne fEeye bere fE mEn kyu ayenbo terE sei. Iŋ gyE aterenbi awura ne n kya nyala fEeye ne mE kya biide fEeye kpe nbeleE ogyiten adaa-adaa mO? ⁷ MOmO ne n gyE abono mE kya saale fEeye-Wura Yesu, yEge mO-ginyen dO, mO, ne mE gyere fEeye Wurubuaare sagyere.

⁸ Aye-Wura Wurubuaare nbara tirise ne n gyE yEE, "Laare fo-nanbo nyamesE fEE fo-nyoro" fEE gEnOobono Wurubuaare agyEbi a kya nyiile mO. Nengyene fE kya gyi gEnen nbara ndE so mO, fo kya wOra ilaa dEnse ne. ⁹ Nengyene fE kya kerE ansi so ilaa kyu buubuu sa ako taa ako yEge bere mO, ilaa nyEnyen ne fE kya wOra gEnen. FEn gyi gipueE, i lii fEE fE tOro Wurubuaare nbara. ¹⁰ Nengyene fo nyamesE fo kya gyi Wurubuaare nbara mO so ne i san daa nkolon mO, fo tOro Wurubuaare nbara mO pEwu so ne. ¹¹ I lii fEE Wurubuaare obono O tOge yEE, "GEŋ sa fo' laare Oko mO-ka," mO, mO kee ne n tOge yEE, "GEŋ sa fo' mO isa." Nengyene fo nyamesE foŋ laare Oko mO-ka ne fo mO isa mO, Wurubuaare laa bun fo gipueE yEE fo tOro nbara. ¹² Wurubuaare laa gyi fEeye-nbeleE mO, O laa kyu daa nbara nbono gi kya yEge ne nyamesE kya nyE mO-nyoro lii ilaa nyEnyen giwOra dO mO gyi fEeye-nbeleE. FEn ti nyE bii gEnen faa mO, fE' yEge fEeye-ilaa wOrase de fEeye-ilaa tOgeE i' kyena de gEnen nbara nbono. ¹³ I lii fEE gEkaabono Wurubuaare laa gyi fEeye-nbeleE mO, fo obono fo mEn su fo-nanbo nyamesE so

mɔ, ɔ maŋ su fo so kee. Atolonbo berɛ Wurubuaarɛ laa su mɔmɔ so aberɛ abono ɔ laa gyi anyamesɛ nbɛlɛ mɔ.

Fɛ! Kyu Fɛye-Gikagyan

Gibono Fɛ Kya Ka Gyan Yesu So Mɔ Wɔra Gɛsun

¹⁴ Me-nanboana Yesu asonbo, nengyene ɔko kya tɔgɛ yɛɛ ɔ ka gyan Yesu so ne ɔŋ kya wɔra imɔ so gɛsun mɔ, nnɛ ne i laa kpaamɔ? Gikagyan gibono ɔnan gi maŋ taalɛ mɔlɛgɛ mɔ de ɔ' nyɛ Wurubuaarɛ asɛ gɛkyena. ¹⁵ A taa kyu yɛɛ aye-nanbo nyensɛ abɛɛ ɔkyiisɛ ɔko naa awo ne ɔŋ kya nyɛ agyudɔ de o' gyi. ¹⁶ Ne fo ɔko fo wu gɛnen isa ɔbono, ne fo tɔgɛ sa mɔ yɛɛ, “Naa fo kya kpe de gisen yuuli. Awo aŋ' baa mɔɔ fo. Gyi de fo' kaabo,” yɛgɛ foŋ kii sa mɔ ilaa ibono i tiri mɔ mɔ, fo nyi yɛɛ i bo agyan ako sa mɔ ne? ¹⁷ Imɔso fo nyamesɛ fo ka gyan Yesu so ne foŋ kya wɔra imɔ so gɛsun mɔ, fo-gikagyan mɔ gi gyɛ daa gikagyan wusɛ.

¹⁸ ɔko laa taalɛ tɔgɛ sa ɔko yɛɛ, “Fo yɛɛ fo kya ka gyan Yesu so. Mi-i me mɔ n kya wɔra gikagyan mɔ so gɛsun.” Nnɛ so ne fo kya ka gyan Yesu so ne foŋ kya wɔra gikagyan mɔ so gɛsun? Nyiile me gɛnen gikagyan gibono. Me berɛ nan wɔra gikagyan mɔ gɛsun de i' lɛɛ nyiile yɛɛ nɛ ka gyan Yesu so gɛsintin. ¹⁹ Fo ɔbono fo sɔɔ gyi yɛɛ Wurubuaarɛ kolon ne n bo no mɔ, foŋ ti wɔra sɛi. Ilaa nyɛnyɛn pɛwu gɛmu isɔɔ gbaa mɛ kya sɔɔ gyi yɛɛ Wurubuaarɛ bo no. Ne mɛ seɛ gifuu kee yɛɛ Wurubuaarɛ laa biidɛ ɔmɔ-giso.

²⁰ Fo ɔbono foŋ kya sa gɛwɔnsa kpe gɛta mɔ, yela giso de fo' nu yɛɛ nengyene ɔko bo gikagyan ne ɔŋ kya wɔra gimɔ so gɛsun mɔ, gɛnen gikagyan gibono giŋ bo agyan. ²¹ Wurubuaarɛ gi kyu aye Gyuda awura aye-naana Aberaham yɛɛ mɔ-gisen dɔ i boran. ɔkpa ɔmɔ so ne

Aberaham gi nyɛ ne Wurubuaarɛ gi kyu mɔ yɛɛ mɔ-gisen dɔ i boran mɔ? Imɔ ne n gyɛ yɛɛ Aberaham gi kyu mɔ-gikagyan wɔra gɛsun. O kyule sa Wurubuaarɛ yɛɛ ɔ laa kyu mɔ-bi Ayisiki lɛɛ asunbi sa mɔ, imɔso o kyu mɔ kpe asunbi ɔlɛɛten. ²² Fɛɲ wu yɛɛ Aberaham gi ka gyan Wurubuaarɛ so ne ɔ wɔra gikagyan mɔ so gɛsun mɔ? Mɔ-gɛsun gɛbono ɔ wɔra gɛnen so mɔ, mɔ-gikagyan mɔ gi nyɛ ta gudu. ²³ Imɔ ne n yɛgɛ ne ilaa ibono Wurubuaarɛ agyɛbi mɔ a tɔgɛ lii Aberaham so mɔ i nyɛ ba gɛsintin. I tɔgɛ yɛɛ,

“Aberaham gi ka gyan Wurubuaarɛ so.

Ne mɔ-gikagyan gibono so mɔ,

Wurubuaarɛ gi kyu mɔ yɛɛ mɔ-gisen dɔ i boran.”

Imɔso ne mɛ kya tɔgɛ yɛɛ Aberaham gyɛ Wurubuaarɛ mɔ-kyɛmenɛ mɔ. ²⁴ Imɔso fɛ' bii yɛɛ nengyene Wurubuaarɛ gi kyu ɔko yɛɛ mɔ-gisen dɔ i boran mɔ, iɲ gyɛ mɔ-gikagyan mɔ wolɛ so. Pɛi de ɔ' nyɛ gɛnen mɔ, i lii gɛnɔɔbono o kyu mɔ-gikagyan gibono kyu wɔra gɛsun mɔ so.

²⁵ A' kii kerɛ oloobu kyiisɛ ɔko, mɛ kya terɛ mɔ yɛɛ Rahabɛ. Nkana ɔ gyɛ daa tutukyii. Gɛnen kee ne Wurubuaarɛ gi kyu mɔ yɛɛ mɔ-gisen dɔ i boran ne. I lii fɛɛ o kyu mɔ-gikagyan gibono ɔ ka gyan Wurubuaarɛ so mɔ wɔra gɛsun. Imɔ ne n gyɛ yɛɛ Rahabɛ baarɛ gi sɔɔ Gyuda awura isɔɔ ibono mɛ ba mɔ-ɔsowolɛ so mɔ gisafɔ, ne aberɛ abono mɔmɔ-akyobo mɛ kya laarɛ mɛ' mɔɔ ɔmɔ mɔ, o nyiile mɔmɔ ɔkpa ne mɛ nyɛ lii mɔmɔ-akyobo mɔ abaa dɔ.

²⁶ A' kyu gikagyan gibono fo nyamesɛ fo bo ne foɲ kya wɔra gimɔ so gɛsun mɔ kyu kɛserɛ de nyamesɛ nyoro gibi de a' kerɛ. Nengyene nyoro gibi gi bo no ne ɔɲɛ mɛɲ baa ɔ bo gimɔ dɔ mɔ, gɛnen nyoro gibi gibono gi wu' ne. Gɛnen kee ne gikagyan gibono fo nyamesɛ fo ka

gyan Wurubuaare so ne forj kya wɔra gimɔ so gesun mɔ, gɛnen gikagyan gibono kee gi wu' ne.

3

Fɛ' Bii Fɛye-Atɔngɛbi

¹ Me-nanboana, fɛ' mɛɲ sa fɛ' yɛgɛ fɛye dɔ asa sakyɔ mɛ' wɔra Wurubuaare agyɛbi anyiilebo. I lii fɛɛ nengyene Wurubuaare laa gyi anyamesɛ nbɛɛ mɔ, ɔ laa gyi aye abono a gyɛ mɔ-agyɛbi anyiilebo mɔ nbɛɛ gɛnsipɛɛrɛ so don asa sɛnsɛ. ² Imɔso fɛ' nyingi yɛɛ aye ɔkamaasɛ kya sidi ilaa kpɛi-kpɛi dɔ gikyɔ.

Nengyene fɛɛ ɔko mɛɲ kya sidi mɔ-gɛtɔngɛ dɔ mɔ, gɛnen kaasɛ ɔbono berɛ gi ta gudu ne; ɔ kya taalɛ mɔ-nyoro ilaa sɛnsɛ pɛwu dɔ kee. ³ A' kyu aye-gɛtɔngɛ kyu kɛsɛrɛ de gɛnɔɔbono nyamesɛ kya taalɛ kyu gibeletɔ pii giko kyu wɔra bee gɛnɔ dɔ mɔ. Gibeletɔ pii mɔ gi kya biidɛ bee mɔ-nyoro mɔ pɛwu kpe de nfono so nyamesɛ mɔ kya laarɛ mɔ. ⁴ A' kyu akolii belɛ-belɛ abono a naa apoo so mɔ kee kyu wɔra sinkaala de a' kerɛ. I bo no yɛɛ akolii mɔ a gyɛ abelɛ-belɛ ne afuu bolonsɛ a dɛ amɔ a naa nkyyo so. Itaato pii-pii iko ne mɛ kya kibi ne i kya yɛgɛ akolii mɔ a kya kpe de nfono so mɛ kya laarɛ mɔ. ⁵ Gɛnen kee ne nyamesɛ ɔnandii dɛ faa. ɔ gyɛ ilaa pii aye-nyoro dɔ. Gɛnen ɔnandii baarɛ ne nyamesɛ kya kyu tɔgɛ ilaa belɛ-belɛ nyiile mɔ-nyoro. Gɛnen kee ne gipo ne n kine gi nyaakyɔ nnɛ, gifilaa pii gi laa taalɛ dɛɛ gimɔ pɛwu.

⁶ ɔnandii kee dɛ daa fɛɛ ɔgya. Fɛɛ gɛnɔɔbono ilaa nyɛnyɛn i kya kyangɛ de i' nyaakyɔ gɛsinkpan so mɔ, gɛnen kee ne ɔnandii kya wɔra ilaa nyɛnyɛn nyamesɛ dɔ ne. Nengyene a kya tɔgɛ ilaa nyɛnyɛn mɔ, i kya kyu aye-nyoro pɛwu loo ilaa nyɛnyɛn giwɔra dɔ. I ti taalɛ nyida aye-gɛkyena dɔ pɛwu, fɛɛ gɛnɔɔbono ɔgya kya dɛɛ ilaa

ηonii mɔ. I ba gɛnen mɔ, ilaa nyɛnyɛn pɛwu gɛmu mɔ ne n wɔra mɔ-ilaa kyu naa de nyamesɛ ɔnandii so gɛnen.

⁷ Ilaa kamaasɛ ibono Wurubuaarɛ gi lɛɛ, fɛɛ ifɛ dɔ nbuɛ, nbuii, ilaa ibono i kya kp̄ii imɔ-itɔ so mɔ, de nkyu dɔ nbuɛ pɛwu, nyamesɛ laa taalɛ bela imɔ ikamaasɛ, ne gɛsintin mɔ anyamesɛ mɛ ti taalɛ bela imɔ. ⁸ ɔnandii berɛ, mɛη bo gibela; mɔ-ilaa nyɛnyɛn ibono ɔ kpɛ ɔ kya wɔra mɔ i dɛ daa fɛɛ gibɔɔ gibono gi kya mɔɔ nyamesɛ kusaa mɔ.

⁹ ɔnandii ne a kya kyu yen aye-sɛ Wura Wurubuaarɛ, ne ɔnandii kolon baarɛ kee ne a kya kyu tɔgɛ nnɔ wɔra aye-nanboana anyamesɛ abono Wurubuaarɛ gi lɛɛ fɛɛ mɔ gbaa-gbaa oyuduu mɔ. ¹⁰ Aye-nnɔ de iyuuli, aye-nnɔ de ikyugya faa mɔ, i boran? Me-nanboana, imɔ idɛ iη kaaborɛ i' ba gɛnen. ¹¹ Fɛ' bii yɛɛ nkyu nbono giη bo nfɔlɛ de nkyu nbono gi bo nfɔlɛ mɔ giη kya kyon lii ɔbon kolon gɛmu. ¹² Kankama oyii mɛη kya sɔɔ mango, ne gifɔlɛ giη kya sɔɔ kankama abi. Me-nanboana, iη bo no yɛɛ nkyu nbono giη bo nfɔlɛ mɔ de nbono gi bo nfɔlɛ mɔ gi laa taalɛ kyon lii ɔbon kolon gɛmu kpa-a.

ɔlaako Ginyi Gi Bo Ginyɔ So

¹³ Fɛye dɔ anɛ ne n nyi ɔlaako ne ɔ kya nu ilaa gɛsɛ? Kaasɛ o' kyu mɔ-ɔlaako ginyi mɔ kyu bara mɔ-nyoro gɛsɛ de ɔ' wɔra ilaa dɛnsɛ mɔ-gɛkyena dɔ. ɔ' yɛgɛ gɛnen gɛkyena dɛnsɛ gɛbono gɛ' lɛɛ nyiile yɛɛ o nyi ɔlaako gɛsintin. Gɛnen ɔlaako ginyi mɔ gi kya yɛgɛ nyamesɛ kya bara mɔ-nyoro gɛsɛ. ¹⁴ Nengyene fɛ kya wɔra gɛnɔ ako so abɛɛ fɛ tɛ gikoso gɛgyanbuɛ gɛkyena mɔ, fɛη sa fɛ' nyiile fɛye-nyoro. Fɛη sa fɛ' kine Wurubuaarɛ-lɛɛ gɛsintin ilaa de fɛ' kɛɛ abon yɛɛ fɛ nyɛ ɔlaako ginyi lii Wurubuaarɛ asɛ. ¹⁵ Nyamesɛ ɔbono ɔ kya wɔra gɛnen ilaa nyɛnyɛn ibono mɔ, ɔlaako ginyi gibono

ɔ bo mɔ giŋ lii Wurubuaare ase. I gyɛ daa gɛsinkpan so-
lɛɛ ɔlaako ginyi gibono gi gyɛ nyamesɛ gibaa so nwɔnsa,
ne gi lii daa ilaa nyɛnyɛn pɛwu gɛmu isɔɔ mɔ ase. ¹⁶ I lii
fɛɛ fɛ kya wɔra gɛnɔ ako so ne fɛ tɛ gikoso gɛgyanbuɛ
gɛkyena mɔ, fɛ laa kerɛ mɔ, ilaa kamaase i laa kpɛ i dɛ
daa giyan-giyan sa fɛye, ne ilaa nyɛnyɛn kpɛi-kpɛi pɛwu
giwɔra ne nan nyɛ fɛye dɔ.

¹⁷ ɔlaako ginyi gibono gi lii Wurubuaare ase mɔ berɛ
giŋ dɛ gɛnen. Ibono i gyangbara mɔ, Wurubuaare ase-
lɛɛ ɔlaako ginyi mɔ gi gyɛ daa gisen dɛnsɛ ilaa. ɔbono ɔ
bo Wurubuaare-lɛɛ ɔlaako ginyi mɔ kya lɔrɔ asa nsana, ɔ
kya yuuli asa asen, ne ɔ kya nu ilaa gɛsɛ kusaa. ɔ kya tansi
su mɔ-nanbo so ne ɔ kya wɔra ilaa dɛnsɛ kpɛi-kpɛi gikyɔ.
Nyamesɛ ɔbono ɔ bo Wurubuaare-lɛɛ ɔlaako ginyi mɔ
mɛŋ kya kerɛ ansi so wolɛ de o' kyu buubuu sa ako taa
ako yɛgɛ. ɔŋ kya penɛ asa. ¹⁸ Nengyene asa mɛ laa nyɛ
de mɔmɔ-asen dɔ i' wɔra ɔdan sa Wurubuaare mɔ, i laa
lii daa asa abono mɛ kya laarɛ gisen yuuli ne mɛ kya lɔrɔ
asa nsana mɔ ase.

4

Fɛ' Bara Fɛye-Nyoro Gɛsɛ Sa Wurubuaare

¹ Menɛ ne n kya bara fɛye-nlɔgedɛ de nluu mɔ daa? In
gyɛ fɛye-ɔbole gɛlaarɛ ilaa ne n kpɛ i kya kɔ fɛye-nyoro
gibi dɔ gɛnen faa? ² Fɛ kya laarɛ ilaa; fɛŋ kii fɛ kya nyɛ.
Imɔso ne fɛ kya mɔɔ asa faa. ɔko ilaa i kya wɔra fɛye
onsipara, fɛŋ kii fɛ kya nyɛ imɔ. Gɛnen so ne fɛ kya laarɛ
nlɔgedɛ de nluu mɔ. Fɛŋ kya kolɛ Wurubuaare, imɔso ne
fɛŋ kya nyɛ faa. ³ Nengyene fɛ kya kolɛ mɔ ne fɛŋ kya
nyɛ mɔ, i lii fɛɛ ilaa ibono so fɛ kya kolɛ mɔ mɔ in kya
kyena sa mɔ daa. Fɛ kya kolɛ mɔ ilaa daa de fɛ' kyu wɔra
fɛye-ɔbole gɛlaarɛ ilaa.

⁴ Fɛ kya lii Wurubuaarɛ gɛmara. Fɛ' bii yɛɛ nyamesɛ gi kyu gɛsinkpan gɛdɛ so ilaa gɛkyɛmɛnɛ mɔ, Wurubuaarɛ ilaa berɛ, ɔ laa kyo imɔ. Imɔso fo ɔbono fo kya laarɛ fo' lɛɛ gɛsinkpan so ilaa gɛkyɛmɛnɛ mɔ, fo laa bingiri Wurubuaarɛ ɔkyobo. ⁵ Iɲ gyɛ giyan so ne i bo Wurubuaarɛ agyɛbi dɔ yɛɛ,

“Oduduu ɔbono Wurubuaarɛ gi yɛgɛ ɔ bo aye anyamesɛ dɔ mɔ
kya pɛɛrɛ ginsi aye so yɛɛ a' kyu aye-gisen pɛwu sa Wurubuaarɛ.”

⁶ Wurubuaarɛ berɛ kpɛ ɔ kya sa aye so gɛwɔnsa dɛnsɛ don gɛnɔɔbono i kaaborɛ aye mɔ. Imɔso ne Wurubuaarɛ agyɛbi dɔ i tɔgɛ yɛɛ,

“Wurubuaarɛ kya tii asa abono mɛ kya nyiile mɔmɔ-nyoro mɔ ɔkpa,
de mɛɲ sa mɛ' nyɛ mɔmɔ-gɛlaarɛ.

Asa abono mɛ kya bara mɔmɔ-nyoro gɛsɛ mɔ berɛ,
Wurubuaarɛ kya sa mɔmɔ so gɛwɔnsa dɛnsɛ.”

⁷ Imɔso fɛ' bara fɛye-nyoro gɛsɛ sa Wurubuaarɛ. Fɛ' yeɛ kɔ de ilaa nyɛnyɛn pɛwu gɛmu mɔ. Fɛ wɔra gɛnen mɔ, ɔ laa seɛ taa fɛye yɛgɛ. ⁸ Fɛ tu sindi Wurubuaarɛ mɔ, mɔ kee laa tu sindi fɛye. Fɛye ilaa nyɛnyɛn awɔrabo mɔ, fɛ' foro fɛye-abaa lii ilaa nyɛnyɛn giwɔra dɔ. Fɛye abono fɛ gyɛ nwɔnsa nnyɔ-nnyɔ awura mɔ, fɛ' lɔrɔ fɛye-asen dɔ de fɛ' yeɛ Wurubuaarɛ ilaa wolɛ so. ⁹ Fɛ' bɔɔda fɛye-nyoro. Fɛ' su de fɛ' saawo. Fɛ' yɛgɛ fɛye-ihmasɛ i' bingiri osulon de ɔkon ɔbono fɛ kya gyi mɔ fɛɲ' baa gyi mɔ de fɛ' nyanga. ¹⁰ Fɛ' bara fɛye-nyoro gɛsɛ sa Wura Wurubuaarɛ, de mɔ, mɔ, ɔ' diirɛ fɛye.

¹¹ Me-nanboana Yesu asonbo, fɛɲ sa fɛ' tɔgɛ ilaa nyɛnyɛn kyu lii abara so. Nyamesɛ ɔbono ɔ kya tɔgɛ ilaa nyɛnyɛn kyu lii mɔ-nanbo so abɛɛ ɔ kya bun mɔ-nanbo

gipuee mɔ, kaase mɔ kya tɔge ilaa nyenyen lii Wurubuaare nbara mɔ so ne, abee ɔ kya bun Wurubuaare nbara mɔ gipuee ne. Fo obono fo kya bun Wurubuaare nbara mɔ gipuee mɔ, foŋ baa fo kya gyi nmɔ so ne. Fo san fo kya kyu fo-nyoro yee fo bo ɔkpa de fo' kerɛ yee nbara nde gi boran, abee nde giŋ boran. ¹² Wurubuaare mɔ-nkon ne n bo ɔkpa de ɔ' yela nbara sa anyamese. Mɔ-nkon ne n bo ɔkpa de ɔ' gyi asa nbɛɛ bun gipuee. Mɔ ne nan taale mɔlegɛ fo nyamese de fo' nye ɔkyenaten mɔ ase, ne mɔ kee ne nan taale yegɛ fo-ɔkyenaten mɔ ase ɔ' lii fo-gibaa. Imɔso fo nyamese fo ne n gyɛ anɛ de fo' bun fo-nanbo nyamese gipuee?

ɔkpa Kamaase So Mɔ Fɛŋ Sa Fɛ' Nyiile Fɛye-Nyoro

¹³ Idɛ kon fɛ' yela giso de fɛ' nu me ase. Fɛye ako fɛ ti taale tɔge yee, “Nde abee ɔke mɔ a laa kpe ɔsowole baare so. A kpe mɔ, a laa gyi gɛsi nno de a' wɔra gɛsun laare aterenbi.” ¹⁴ Fɛ kya tɔge gɛnen faa mɔ, fɛ nyi ɔkelɛ? Nyamese de daa fɛɛ nbokyu. Nyenyengɛ mɔ, gi kya sɔɔ gi yelɛ faa nyɔlen. Owi ɔ baa dii mɔ, gi ŋaa. ¹⁵ Nkana i kaaborɛ fo' tɔge daa yee, “Nengyene Wurubuaare gi kyule mɔ, a laa kyena nkpa de a' wɔra idɛ abee imɔ idɛ.” ¹⁶ Fɛ kya wɔra gɛnen mɔ, fɛ kya nyiile fɛye-nyoro ne fɛ kya gyiide. Gɛnen nyoro ginyiile gidɛ ɔnan pɛwu iŋ boran.

¹⁷ Fɛ' bii yee nengyene fo nyamese fo nyi ilaa ibono i kaaborɛ fo' wɔra, ne foŋ wɔra imɔ mɔ, i gyɛ ilaa nyenyen sa fo.

5

Abono Mɛ Gyɛ Aterenbi Awura Mɔ Mɛ' Wɔra Laakaare

¹ Idɛ kon, fɛye aterenbi awura mɔ, fɛ' yela giso de fɛ' nu me ase. Fɛ' su de fɛ' pɛɛɛ ansi saawo lii ɔlaawuse obono

ɔ laa baa tu fɛye mɔ so. ²Fɛye-awuratɔ abono fɛ bo mɔ a laa gyɔ nyida, ne fɛye-akuru a laa bingiri igyoonokpakpa awɛsansan. ³Fɛye-isika kɔkɔɔ de fɛye-isilibaa i laa yɛɛ koro. Giyɛɛ gibono fɛye-ilaa idɛ i laa yɛɛ mɔ ne nan lɛɛ nyiile yɛɛ fɛɲ wɔra Wurubuaarɛ gɛlaarɛ. Imɔso gɛnen ne fɛye-nyoro gibi mɔ gi laa dɛɛ kee ne. I lii fɛɛ fɛ baala-baala daa awuratɔ yela anyamesɛ gɛkyena nkɛ laalalogɛ ndɛ dɔ.

⁴Fɛ' nu yɛɛ fɛye-gɛsun awɔrabo abono mɛ dɔɔ fɛye-ndɔɔana sa fɛye mɔ, fɛ kudi mɔmɔ gyi kine fɛɲ ka ɔmɔ akɔ. Mɛ kya lɔgedɛ ne mɔmɔ-nlɔgedɛ mɔ gi loo Wura Wurubuaarɛ ɔbono ɔ gyɛ Sawura mɔ aso dɔ. ⁵Giwaabi de ɔkon gigyi gɛkyena ne fɛ kyu kyena gɛsinkpan so. Fɛ san fɛɛ nbuɛ nbono mɛ gyi loo nɔɔ pɛi ne mɛ kya mɔɔ nmɔ mɔ. Fɛye kee Wurubuaarɛ laa biidɛ fɛye-giso aberɛ abono ɔ laa gyi anyamesɛ nbɛlɛ mɔ. ⁶Abono mɔmɔ-asen dɔ i boran mɔ, fɛ ten mɔmɔ-nnɔ bun mɔmɔ gipuuɛ. Mɛ mɛɲ tɔgɛ fɛye sɛi, ne fɛ dabɔlɛ mɔɔ mɔmɔ.

Fɛ' Nyɛ Gisen Kaaborɛ Wura Yesu O' Kii Ba Gɛsinkpan So

⁷Me-nanboana Yesu asonbo, fɛ' nyɛ gisen kaaborɛ Wura Yesu o' kii ba gɛsinkpan so. Fɛ' laa ansi kerɛ gɛnɔɔbono dɔɔbo kya nyɛ gisen gyoo aberɛ abono mɔ-ilaa duuse i kya wɔra ilaa gyisɛ de ɔ' nyɛ agyan mɔ. ɔ kya nyɛ gisen gyoo nyangbon gyangbarasɛ de gikyɛ inyangbon. ⁸Imɔso fɛye kee fɛ' nyɛ gisen fɛye-gɛkyena dɔ gɛnen. Fɛ' da gikan yeɛ fɛye-ayaa so gisɔɔgyi gibono fɛ bo sa Yesu mɔ dɔ. I lii fɛɛ gɛkaabono Wura Yesu laa kii ba gɛsinkpan so mɔ gɛ fuude.

⁹Me-nanboana, fɛ mɛɲ sa fɛ' lɔgedɛ de fɛye-nanboana yɛɛ ɔmɔ ne n kya wɔra fɛye de Wurubuaarɛ o' bun fɛye gipuuɛ. Fɛ' nyingi yɛɛ i maɲ kɛɛla ne Wurubuaarɛ

laa baa gyi anyamese pɛwu nbele. ɔ ti ɔ yele fɛye-nbunono gbaa. ¹⁰ Fɛ' laa ansi kerɛ Wurubuaare ikalan atɔgebo mɔ. Aberɛ abono mɛ kyu Wurubuaare ginyen mɛ kya tɔge Wurubuaare agyɛbi mɔ ma-a sa asa mɔ, mɛ wu ɔlaawuse. Me-nanboana, fɛ' kyu gisen gibono mɛ nyɛ mɔmɔ-ɔlaawuse dɔ mɔ kyu wɔra sinkaala sa fɛye-nyoro. ¹¹ Abono mɛ wu ɔlaawuse ne mɛ taale nyɛ gisen keda Wurubuaare ɔson mɔ kpaa lii mɔ, a kya kyu mɔmɔ yɛɛ mɛ gyɛ amudɛnsɛbo. Fɛ' nyingi gɛnɔɔbono Gyoobu gi wu ɔlaawuse gikyɔ ne ɔ dabɔle nyɛ gisen sɔɔ Wurubuaare gyi kpaa lii mɔ. Laalalogɛ mɔ, fɛɲ wu ilaa ibono Wura Wurubuaare gi baa wɔra sa mɔ mɔ? Wura Wurubuaare gyɛ daa otolonbo. ɔ tansi ɔ kya su asa so.

¹² Me-nanboana, ibono pɛwu nɛ tɔge faa gɛmara mɔ, nan tɔge fɛye ibono i tiri gikyɔ mɔ. Imɔ ne n gyɛ yɛɛ fɛɲ sa fɛ' tɔge yɛɛ, “Nɛ kerɛ fɛɛ soso,” abɛɛ “Nɛ kerɛ fɛɛ gɛsinkpan” abɛɛ “Nɛ kerɛ fɛɛ ilaa banban iko.” Fɛ' yɛgɛ fɛye-“kuua” ɔ' wɔra “kuua”, de fɛye-“ɛn” ɔ' wɔra “ɛn,” de Wurubuaare ɔɲ sa ɔ' nyɛ bun fɛye gipɛɛ.

¹³ Imɔso ɔko bo fɛye dɔ ɔ kya wu ɔlaawuse? Kaase mɔ ɔ' dalaa. ɔko bo fɛye dɔ ibono mɔ-gisen dɔ i bo mɔ ɔkon? Kaase mɔ o' bii ilon yen Wurubuaare. ¹⁴ ɔko bo fɛye dɔ ɔ kya lɔ? Kaase ɔ' da gibaa terɛ Yesu ɔson mɔ dɔ abelɛnsɛ de mɛ' baa dalaa sa mɔ de mɛ' kyu nfo kyu worogɛ mɔ Wura Yesu ginyen dɔ. ¹⁵ Nengyene mɛ kyu gisɔɔgyi dalaa mɔ, ɔɔbo mɔ laa nyɛ alanfiya. Wura Yesu laa kosorɛ mɔ, ne fɛɛ ɔɔbo mɔ gi wɔra ilaa nyɛnyɛn mɔ, ɔ laa kyu kyɛɛ mɔ. ¹⁶ Imɔso fɛ' lɛɛ fɛye-ilaa nyɛnyɛn ibono fɛ kya wɔra mɔ tɔge sa abara de fɛ' dalaa sa abara. Imɔ ne nan yɛgɛ Wurubuaare laa nyɛ kyu kyɛɛ fɛye de fɛ' nyɛ alanfiya. ɔbono mɔ-gisen dɔ i boran sa Wurubuaare mɔ gi dalaa lii mɔ-gisen dɔ mɔ, gɛnen gɛdalaa gɛbono gɛ bo gya ne gɛ kya wɔra gɛsun. ¹⁷ Ilaagya gi wɔra nyamesɛ fɛɛ aye ɔnan.

Owi ɔko dɔ mɔ, ɔ dalaa sa Wurubuaaree lii mɔ-gisen dɔ yee nyangbon ɔɲ sa ɔ' da. Gesintin mɔ, nyangbon mɛɲ da gesinkpan so nsi nsa de gibaafon. ¹⁸ Imɔ gemara mɔ, o kii dalaa kole Wurubuaaree yee ɔ' yegɛ nyangbon ɔ' baa da kon. Ne gesintin mɔ, Wurubuaaree gi nu mɔ-gɛdalaa ne ɔ yegɛ nyangbon gi baa da, ne gesinkpan mɔ gɛ kii nyɛ wɔra agyudɔ.

¹⁹ Me-nanboana, nengyene fɛye dɔ ɔko gi fue Yesu gesintin ɔkpa mɔ ne ɔko gi taale kiiri mɔ ba mɔ, kaase mɔ gi wɔra ilaa. ²⁰ Fɛ' bii yee ɔbono ɔ taale lɛɛ ilaa nyɛnyɛn ɔwɔrabo mɔ lii mɔ-ilaa nyɛnyɛn ɔkpa mɔ dɔ gɛnen mɔ, ɔ mɔlegɛ mɔ de ɔɲ sa ɔ' fue mɔ-lɛwu gemara ne. Kaase mɔ kee laa nyɛ mɔ-ilaa nyɛnyɛn gikyɔ i' kpaare fue sa mɔ.

ḠḠḠḠ ḠḠḠḠḠḠ, ḠḠḠḠḠ ḠḠḠḠḠḠḠ ḠḠ ḠḠḠḠ ḠḠḠḠḠ
AnyamesḠ ḠḠ ḠḠḠḠ ḠḠḠḠ

The New Testament in the Gikyode language

copyright © 2020 Wycliffe Bible Translators, Inc.

Language: Gikyode

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 14 Jun 2022 from source files dated 30 Nov 2021

4cc402b4-139a-5f33-9af9-fbf62307f663